



Selasa, 07 November 2023

Ogen: Juna 3:10



Idah Dibata Kerina



Christiana Tsai e me sekalak diberu i Tiongkok nari, si enggo tek man Tuhan Yesus. Ia jadi pengikut Tuhan Yesus kenca ia erlajar i sekolah Kristen. Ia tubuh i bas tahun 1890. Ia sekalak si tutus ngelai ras ngelokoken penginejilen asum sia nguda denga. Tapi so niarap, ia si gel-gel e kalak si sehat, kira-kira jam 4 erpagi-pagi medak ia. Takalna mberat, mesui ras melimber pe iakapna. Dagingna la kapna sikap. Emaka kiamken ia ku Rumah Sakit, 17 wari koma. Kenca ia sedar, la banci daginga iangkatkenna janah matana pe pentang, lanai banci erpendidah. Kepeken ia kena sada jenis pinakit si erbahanca la banci kena sinar matawari. Guna sie ia arus tading i bas kamar gelap. Tapi kidekah 51 tahun ia arus bas kamar gelap, arah kamarna si kitik ras gelap e kap maler pertoton, surat-surat ras kesaksin-kesaksinna kerna kiniulin Tuhan. Ia la kecewa man Tuhan, sebab tek ia idah Tuhan kerina geluhna.

Moria kekelengen Tuhan, megati kita jumpa perbeben i bas kegeluhen. Ije ertoto ras sipindo penampat bas Tuhan nari. Namun enggo pe sipindo, ndekahsa siakap Tuhan ngaloi, idahNa nge ndia kesusahenta e ateta. Arah ogenta Juna 3:10, icidahken man bata sadda kebenaran, mata Tuhan ngidah kerina si jadi bas jelma manusia. Ieteh Tuhan katawari kita erbahan si benar ntah pe si jahat, idahNa pe uga kita makeken wari-wari kegeluhenta enda. La lit sada pe terligen i bas mataNa. Adi Niniwe ras anak kuta e pe iperdiatoken Tuhan. I bas dosana isuruh Tuhan nabi Juna gelah erberita kerna jera ras pengalemi bas Tuhan nari, tapi ibegiken anak kuta Niniwe pedah Tuhan e, maka iperdateken Dibata janah pulahiNa i bas pengukumen nari. Kita kap anakNa, biji mata Tuhan. Kuja kita iikut-ikut pengenehenehenNa si telap. Adina ndabuh kita kudas dosa ras percuban, minter nge idudurkenNa tanNa lako nampati kita. Erbage-bage cara usahakenNa gelah ula kita gedap ibas lubang dosa. IpersingettiNa janah bukana dalan robah dengen jera man banta.

✞ Amin sekelewetta gelap tapi Tuhan ngidah pusuhta.